



www.BibleForChildren.org


San Mateo 8



Cati' chguc tsonn dza, guc Ini qui yöl-la' rutság na' lu
yödz Caná luyú Galilea, ati' zoanu ni' xnë'ë Jesús.
Lëzca' zoa nu bulídz Jesús len yugu' bönni' usëd
queë' djaquë' Ini na'.



Catì' byadzj xisi uva li'jě', ni'r gudxnu Jesús xně'ě,
rnanu: –Cutur dē xisi uva li'jě'. Ni'r gudxnu-ně' bōnni'
huen dxin ta'gu'ě le tahuě' xně'ě Jesús, rnanu:
–Gul-gún yúgu'tě le guiě' lbi'ili'.



Gudxë' yugu' bönni' huen dxin na' Jesús,
rnë': –Gul-dzá' nis yugu' yusu' ni.
Guludzë'ë nis yugu' yusu' na'. Ni'r Jesús rë'
lequë': –Gul-gachi' na'a, len gul-tsjuá'
lahuë' bönni' zoë' ra' yusu'. Yjua'quë' na'.



Buyúë' chqui' nazxí' nis na' nuhuöác xisi uva bönni' na'
zoë' ra' yusu', san cutu ráquibe'inë' gazx za'. Nözcne'
bönni' huen dxin na'
gláchë'ë nis na'.



Ni'r bulidzë' bönni' utság nē'ë bönni' na' zoë' ra' yusu',
len rē' lē': –Zi'al tu'nödzejë' xisi uva nacr szxi'
yúgu'të bönni', len cati'
chgli'jë' szxöni, ni'r
tu'nödzejë' le cunazxi'.
Li', ga bdxintë na'a ben
chi'u xisi uva nacr szxi'.





Yöl-la' huac nac bë' ni benë' Jesús lu yödz Caná luyú
Galilea nac le rzu lau yugu' yöl-la'
huac gunë'. Cni guc, bulu'ë
lahui yöl-la' zxön queë',
ati' gulayejlë'ë Lë'
bönni' usëd queë'.



Bdxinë' Jesús lidxë' Pedro, atì' nì'
blé'inë'-nu xna'nu ngul queë' Pedro,
dënu lu da'a, len yu'nu tu xla.



Gdanë' na'nu Jesús, ati' la' burujtë tu xla na' yu'nu. Ni'r böasnu len bennnu le glahuë'.



Catì' chrdzö', ca gdxia gbidz, la' djuá'gactë' ga zoë'
Jesús yúgu'të nup te'i len bönni' yu'u lequë' bö' xöhui'.
Gulaguír ga nu ryaz
yu'u ga na' zoë' Jesús
yúgu'të bunách lu yödz.



Jesús bunë' zian nup te'i, nac zian guidzhuë' té'inë'.
Bubijë' ca' zian bö' xöhui' yu'ugac bunách na'. Cutu bë'ë
latj la'në bö' xöhui' na' le núnbë'gac Lë' Nu naquë'.



Yúgu'të bunách zian na' tui' ládxi'gac la'gán Jesús le
ruúnë' yúgu'të' len yöl-la' huac queë'.



Ni'r guladxinë' ga na' zoë' Jesús tapë' bönni', nua'quë'
tu bönni' huë' nacu'në' bin.




Cutu guc la'dxinë' lahuë' Jesús le
nacuá' ni' bunách zian. Qui lë ni na'
gulasaljë' cju'u ca dödl ga zoë'
Jesús. Cati' budx guludxië'
yeru na', ni' guluzötjë' le
deynë' bönni'
huë' na'.




Cati' gúquibe'inë' Jesús ca na' ta'yejlë'ë Lë', gudxë'
bönni' huë' na': –Zxi'na',
chbunít lahua' li' ca
nac dul-la' nabagu'u.
–Li' rëpa': “Gyas.
Bua' le deynu'
len böaj lidxu'.”



Grenë' Jesús lë'i bárcodau', dzagquë' Lë' bönni' usëd
queë'. Ni'r gyejcj bö' bdunu' lu nis
zxön na', ati' szxöni rymas rdxia
nis zxön na' ga bdxintë rymas
nis lë'i bárcodau' na'.
Dë' rasië' Jesús
lë'i barco na'.



Bubi'ë didza' Jesús, rë' lequë': –¿Bizx quië rádxili'?
Lati'z réjlë'li'-në' Dios. Ni'r gyasë' Jesús len bulidzë' bö'
na' reycj len nis zxön na', ati' la' grö'të dxi. Gulubannë'
bönni' na', ta'në': –¿Nuzxa caz bönni' ni?
Rui'zë' didza' ati' tun ca rnë' bö'
reycj len nis zxön.



Le bdxí'itsquinë' bunách yödzyú
Dios, budödë' la'z dui Zxi'në',
cui la'nít yúgu'të nup la'yejlë' Lë',
san gata' quequë' yöl-la'
na'bán gdu.



Romanos 3:23

le nunquë' dul-la' yúgu'të' len cutu ca' nacquë' tsahui' ca na'
naquë' gdu tsahui' Dios.

Romanos 6:23

Lazxj nu run dul-la' nac yöl-la' gut, san le runnzë' queëru'
Dios nac yöl-la' na'bán gdu, le rata' queëru' le nacru' tuz
len Xanru' Jesucristo.

Romanos 9:27

Ca na' run bayúdx lat bunách tu Izuz ati' töd ni' cuequi
xbeynë' leygac Dios,



Efesios 2:8,9

Nulali' le zoa le buzá' ladxë'ë queëli' Dios le réjlë'li' Cristo.
Buslë' lbi'ili', clëg le nacué' le nac dxi'a benli' lbi'ili', san le
nac le runzë' Dios. Nutu nu gac gun ba zxön cuini le nulá,
le cutu nulá le nacué' le nac dxi'a nun nu na'.

Romanos 10:9,10

“Chqui' didza' gu'u gac bë' Jesús naquë' Xanu', len
huayéjlë'u gdu ladxu'u Dios buspanë' Lë' lu yöl-la' gut, uláu'
li'.” Lu icj ládi'dau'ru' réjlë'ru' Jesús quië gacru' tsahui' ati'
len didza' rui'ru', rului'ru' lahui le naquë' queëru'
Jesucristo quië ularu'.



San Juan 3:16,17

Le bdxí'itsquinë' bunách yödzlyú Dios, budödë' la'z dui Zxi'në', cui la'nít yúgu'të nup la'yejlë' Lë', san gata' quequë' yöl-la' na'bán gdu. Dios bsölë'ë Zxi'në' yödzlyú ni, clëg quië gchuguë' quegac bunách yödzlyú ni, san quië lulá bunách yödzlyú ni ni'a queë' Lë'.

1 San Juan 5:11-13

Lë ni nac le benë' Ina' lau Dios. Gnë' chbennë' queëru' yöl-la' na'bán gdu, ati' Zxi'në' na' naquë' Nu nabániru' cni. Nu zóalenë' lei Zxi'në' Dios, dë yöl-la' na'bán gdu qui. Nu cuzóalenë' lei Zxi'në' Dios, cutu dë yöl-la' na'bán gdu qui. Lbi'ili' na' réjlë'li'-në' Zxi'në' Dios, ruzuja' queëli' lu guich lë ni quië gnōzili' chdë yöl-la' na'bán gdu queëli', len quië gac gdu ca réjlë'li'-në' Zxi'në' Dios.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Zapotec Southern Rincon NT (zsr) © 1992, Wycliffe Bible
Translators, Inc. All rights reserved.

<https://www.bible.com/bible/736/MAT.1>

©2026 Bible for Children, Inc.

www.M1914.org

www.bibleforchildren.org

